

سکى در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات

اومى ایستیلر دارة عدلیه ده
اداره مخصوصه سنه مراجعت
ایتملدر

اعلانک هرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ابرتسی و چهارشنبه کونلری نشر اولنور. محتویاتی امور عدلیه به متعلقدر

تَبْلِیغات

احمد افدینک پدری متوفی قره احمد ترکسندن
آرادینی مبالغدن دولای کندیوسنه بر کونه تبلیغات
اجرا اولمقسنزین لاحق اولان اعلام شرعینک تنفیذ
حکمی ضمننده عادیاً عهدسنة انتقال ایدن غیر
منقولاتک قره برون قضاسی بدایت محکمه سی اجرا
دائرة سنجه مشتریسنه تسلیمی صورتیه معامله اتخاذ
ایدلمکده اولدیغندن شکایت ایتکده بوانسان حنیفه
خاتونک حین دعواده محل اقامتی مجهول اولمسندن
ناشی تعیین قلنان وصی و دیگر ورثه وکیلی ایله مدعی
مومی الیهک محاکمه سی اجرا قلمش واولباده کی
اعلامک کسب قطعیت ایتش اولدینی بیانیله ترکیه
وضع یدلری اثنای محاکمه شرعیه ده ثابت اولان ورثه
مرقومه به منتقل سالف الذکر غیر منقولاتک دائرة
مذکورده دن تنظیم اولنوب یالکز مزبوره حنیفه به
تبلیغ اولنه میان اخبارنامه اوزربنه بالتفریق مشتریسنه
تسلیمی لازم کلوب کلیه جکک استفسارینی متضمن
آیدین ولایتی استیناف محکمه سی مدعی عمومیلکندن وارد
اولوب انجق عدلیه به حواله قلنان ۳۰ نشرین اولسنه
۳۲۲ تاریخلی شقه ایله ملفوفاتی اوزربنه ذکر اولنان
اعلام شرعینک وصی به تبلیغ اولندیگی کی انک
طرفندن ویریلان تمیز استدعایه سنک دخی ردیه
حکم اعلامک فتواخانه جلیله دن تصدیق قلدینی صورت
اشعاردن منقهم اولمسنه نظر اوصی مرقومک وفاتی
اوزربنه الیوم اقامتکاهی تعین ایدن مزبوره حنیفه نامه
تنظیم اولنوب هنوز تبلیغ ایدیه میان صول اخبارنامه نک
اصولی دائرة سنده معامله تبلیغیه سنک ایفاسیه مدت
معینه سی ظرفنده مزبوره نک حصه دینی تسویه به
یناشمدینی ویاخود اعلام مزبورک صورتی آله رق
اعتراضات واقعه سندن دولای مرجعه مراجعتله تأخیر
اجرائی ناطق ورقه رسمیه اراز واره ایتدیکی صورتده
معاملات تنفیذیه نک اکالی ایجاب ایدوب شو قدرکه
مبالغ محکوم بها اساساً ورثه مرقومه نک مورثلری متوفی
قره احمد دینی اولمسندن ناشی موقع مزایده به قونیلان

متوفادن منتقل غیر منقولاتک بعد الوفاة تأمین دین ایدن
املاک صرفه دن اولمدینی حالده فروختی مجاز اولان دیگر
متروکات اتمانندن استیفای مطلوب اولمق لزومه کوره شو
جهتک دخی نظر دفته آله رق معاملات جاریه نک احکام
قانونیه به توفیق اقتضایده جکک جواباً مذکور مدعی
عمومیلک تبلیغی انجمن مذکور دن افاده قلمشدر.

محاکمات و مقدمات

محکمه تمیز استدعا دائرة سندن تنظیم واعطا
قلنان اعلامدر:

قسطمونی ولایتی استیناف محکمه سی جزا دائرة
سندن لاحق اولوب ۱ حزیران سنه ۳۲۱ تاریخنده
تفهیم ایدیلان مرور زمان قرارینی حاوی اعلامک
تمیزی مستدعی محلی دیون عمومیه اداره سی دعوی
وکیلی طرفندن ویریلان ۷ حزیران سنه ۳۲۱ تاریخلی
استدعایه واوراق متفرعه سی باش مدعی عمومیلک
مأموریت بهیه سنک ۶ حزیران سنه ۳۲۲ تاریخلی
تبلیغنامه سیله محکمه تمیز استدعا دائرة سنه تودیع اولمغله
لدی التدقیق مذکور استدعایه نک مدت قانونیه به
موافق اولدینی اکلایدیغندن اوراق مرقومه دائرة جه
قرائت ومطالعه اولندی.

اعلام مذکورک مالی کنگری مملحه سنک ولیر
موقعندن طوز سرقت ایتدیکی ادعاسیه مظلون علیه
اولان سلیمان اوغلی صونه محمد حقنده کی دعوانک
مرور زمانله سقوطنه دائر بدایه ویریلان قرارک
استیناف ایدلمسی اوزربنه جریان ایدن محاکمه استیناف
فیه ده دعوی واقعه جهت ملکیه جه در دست تحقیق
ایکن ۲۴ مایس سنه ۳۱۳ تاریخنه مصادف ۵ محرم
سنه ۳۱۵ تاریخندن ۱۹ کانون اول سنه ۳۱۷ تاریخنه
تصادف ایدن ۲۱ رمضان سنه ۳۱۹ تاریخنه قدر
بر معامله جریان ایتیه رک وتعقیبات قانونیه اجرا
ایدلمیه رک ایشک جهت نظامیه به تسلیمندن مقدم
آرادن درت سنه بی متجاوز بر مدت مروریه دعواده

مرور زمان واقع اولدینی بالتدقیق اکلایمسنه
ودعوی مذکورده طوز سرقتی ماده سی اولوب بوده
جنحه نوعندن بولمسنه کوره اداره وکیلک مدافع
تنک ردیه اصول محاکمات جزایه قانونک درتیوز
سکسان ایکنجی ماده سی موجب جنحه حقوق عمومیه
وشخصیه دعواسنک سقوطنه قرار ویرلیدیکندن
ومذکور استدعایه ده مندرج اعتراضاتک خلاصه سی
دخی سارقلر حقوق عمومیه نامه جزالری کور مشلر
ایسه ده یالکز مملحه دن سرقت ایدلیدی عندالحاکمه
تبیین ایدن طوز بدلتک مع جزای نقدی تضمیناً
استحضالی ماده سی قالمش بوده صرف حقوق شخصیه دن
معدود اولمغله بونده مرور زمان مدتی بالطبع مجله
جلیله احکامنه توفیقاً اون بش سنه اوله جغندن وشو
حالده محکمه بدایت واستینافک اصول محاکمات جزایه
قانونک درتیوز سکسان ایکنجی ماده سنه توفیقاً
دعواده مرور زمان اولدیغنه قرار ویرمسی منافی
قانون اولدیغندن بخلله مذکور اعلامک قضی طلبندن
وتبلیغنامه نک مفادی دخی تمیز استدعایه سنده در میان
اولان اعتراضات مندرجات اعلامه نظراً بجا کوریه
مدیکندن ذکر اولنان تمیز استدعایه سنک ردی لازم
کله جکی بیاندن عبارتدر.

ایجابی لدی المذاکره محکمه مذکورده جه مرور
زمانه یالکز حقوق عمومیه دعواسنک سقوطنه قرار
ویرلمک لازم کلورکن سقوط دعوانک حقوق شخصیه به
دخی سرایت ایتدیرلمسی یولسز ومخالف قانون اولد
یغندن اصول محاکمات جزایه قانونک اوچوز اون
درنجی ماده سی احکامنه توفیقاً اعلام استینافی
مذکورک ذکر اولنان اسبابدن دولای نقضه واوراق
مرقومه نک محله اعاده سنه ۱ تموز سنه ۳۲۲ تاریخنده
متفقاً قرار ویرلیدی.

محکمه تمیز حقوق دائرة سندن تنظیم واعطا

قلنان اعلامدر:

ازمیرده یش چارشوسنده مقیم تجارندن قنای زاده

یوسف آگاه بك ايله قوله قصبه‌سند ساكن تجارندن خاشی خليل اغا زاده حسین افندی پندنه متحدث دعوايه دائر ازمير ولايتى بدایت محكمه‌سندن ۱۱ كانون اول سنه ۳۱۸ تاريخی يوز اون عددی ايله ویریلان اعلام مومی ايله یوسف آگاه بك طرفندن تمیز ایدلکه باش مدعی عمومیک مأموریت بهیسنک مطالعه‌نامه‌سی آلتدقندن صکره اعلام مذکور طرفینک اعتراض وجواب لایحه‌لرله بالمطالعه تدقیقات تمیزیه اجراسنه ابتدار اولدی .

اعلام مذکورک خلاصه مالی مومی ايله حسین افندی ازمیرده حایف وبولا قوافیلره تسلیم اولنق اوزره آراهجی سلیمان اغا واسطه‌سیله کوندرمش اولدینق قرق الاتی چوال پلاموطندن قرق بر چوال سهوا مومی ايله یوسف آگاه بکک یدینه کچمش اولدینق حالدده مومی ايله مذکور پلاموطلری اعاده‌دن امتناع ایتکده بولندیقندن بختله مذکور قرق بر چوالک غیراز طاره وعشر حاوی اولدینق الی سکن قطار پلاموطک موجود ایسه عیناً و مستهلک ایسه رایج فیثات موجبنجه بهر قطاری قامیو ایچہ التمش سکن غروش حسابیه اتمانی اولان اوچیک طقوز یوز قرق درت غروشندن نقلیه اجرتی اوله‌رق سکن یوز طقسان غروش سمساریه و قطاریه و کرک رسی و حمالیه و قوردون مصارفی اولان ایکیوز بکرمی بش غروشک جمعاً بالغ اولدینق بیک اون بش غروشک تنزیلیه متباقی ایکیک سکن یوز بکرمی طقوز غروشک مع فائض مومی ايله یوسف آگاه بکدن تحصیلی طاب وادعا ایتسه قارشو مدعی علیه وکیل دخی طرفین تجارندن اولوب اعاده‌سی طلب اولسان پلاموطک اموال تجاریه اولغله برابر موکلک نامه کلش اولدینق جهته قومیسوخیلق کی تجارتیه متعلق برطاق معاملات و مصارفک تقدیری واولیاده کی دعوانک فصل ورقی محکمه تجارتیه عائد وظائفندن بولندیقندن دعوائی واقعه‌نک ردی لازم کله چکنی بیان و تذکار ایتسی اوزرینه اجرا ایدیلان محاکمه و تدقیقات نتیجه‌سند مدعی مومی الهک مزبوران حایف وبولا قوافیلره تسلیم اولنق اوزره کوندرمش الی سکن قطار پلاموطک مومی ايله آگاه بکه تسلیم ایدیلرک آتک طرفندن بشقه‌سند فروخت و صرف ایدلیکی مدعی علیه حضور محکمه‌ده کی اقرار واعترافی ولدی الاستعلام اعشار اداره‌سندن آلتان جواب مندرجاتی ايله تحقیق ایتمش و مذکور پلاموطک بهر قطاری قامیو ایچہ التمش التبشر غروش قیمته اولدینق بالاستفسار تجارت اوطنه‌سندن بیلدرلش اولسنه بناءً مذکور پلاموط قیمتک بالغ اولدینق اوچیک سکن یوز بکرمی سکن غروشندن

مدعی مومی الهک تحت اعترافده بولسان بیک یوز اون بش غروش مصارفک تنزیلیه متباقی ایکیک یدییوز اون اوچ غروش قامیو ایچہ‌نک تاریخ استعدادن اعتباراً حین تحسینده دکن مرور ایدله جک مدت فائضیه برابر مومی ايله یوسف آگاه بکدن تحسینیه مومی ايله حسین افندی به اعطاسه حکمدن و مستدعی تمیزک اشبو اعلام علیه‌نده لایحه‌سند محرر اعتراضاتک باشلوجی طرفین صنف تجارندن اوله‌رق دعوائی واقعه‌ده اموال تجاریه‌دن متولد اولدینق جهته فصل وحسی محکمه تجارتیه عائد اولدینق حالدده محکمه مذکورده رؤیت ایدلسی یولسر و مغایر قانون اولدینق بختله اعلام مذکورک قضی استعاسندن و مدعی علیه نتیجه جوابی حکم واقع موافق اصول وقانون اولوب اعتراض مذکورک غیر وارد اولدینق بیانیله ردی و اعلامک تصدیق طلبندن و مطالعه‌نامه مذکور مندرجاتی دخی لایحه تمیزیه‌ده وظیفیه اعتراض اولقده ایسه‌ده طرفین قانوننامه تجارتک توصیف ایتدیکی صنف تجارندن اولدقلى اکلایشه‌مامش ودعوائی واقعه پلاموط جوالدرینک سهوا کوندرلیدی ادعاسندن عبارت بولنش اولسنه نظراً اعتراضات مسروده موافق قانون کوریه‌مدیکی بیاندندن عبارت بولنشدر .

ایجابی مذاکره اولدقده اعلام مذکور مآلندن مستبان اولدینق اوزره دعوائی واقعه معاملات تجاریه‌دن منبع اولوب فصل وحسی تجارت محکمه‌سند عائد ایکن حقوق محکمه‌سند رؤیت و حکم اولنسی یولسر و مغایر قانون اولدینق و مستدعینک اعتراضی دخی بوجهته متدائر اوله‌رق موافق نفس الامر کورلدیکنه بناءً اصول محاکمه حقوقی قانوننک ایکیوز اتوز ایکنجی مادمسی موجبنجه اعلام مذکورک قضیه قانون مزبورک ایکیوز قرق اوچنجی مادمسی حکمه توفیقاً کیفیتک عائد اولدینق تجارت محکمه‌سند حواله‌سند و مستدعی تمیزدن آلتان اوچیز طقسان اوچ بقی غروش مصارف تمیزیه‌نک ایلورده حقسر چیه‌حق طرفه عائد اولسنه ۱۳ مارت سنه ۳۱۹ تاریخده متفقاً قرار ویرلدی .

مصطفی بن حاجی حسینک قاتلی فراری موسایه معاونت ایتلرندن دولای جانیله اتهام اولتان حسن وحاجی احمد و قول محمدک اوچر سنه مدتلرله کورک قونلرینه دائر قره حصار صاحب سنجانی بدایت محکمه‌سی جزا دائره‌سندن اعطا قلان ۵۱ نومرولی اعلام

حسنی قتل ایدلیکی ادعا اولنسندن دولای جانیله

اتهام اولتان حاجی علو اوغلی قالونک اون بش سنه مدته کورک قونلنسنه دائر قونیه ولایتی استیناف محکمه‌سی جزا دائره‌سندن اعطا قلان ۲۷۸ نومرولی اعلام

شهادت کاذبه‌ده بولدینق ادعا اولنسندن دولای جانیله اتهام اولتان چقنجی مرتضانک اوچ سنه مدته کورک قونلنسنه دائر پروزه سنجانی بدایت محکمه‌سی جزا دائره‌سندن ویریلان ۱۱۹ نومرولی اعلام

اشقیایه یتاقلق ایتسنندن دولای جانیله اتهام اولتان یانی ولد توخرک بش سنه مدته کورک قونلنسنه دائر سلانیک ولایتی استیناف محکمه‌سی جزا دائره‌سندن ویریلان ۵۶۶ نومرولی اعلام

علی بن محمودی ضرب ایدرک وفاته سببیت ویرلرندن دولای جانیله اتهام اولتان احمد بن علی بهلوان وحسین بن ابراهیم و چوبان یوسفک بشر سنه مدته کورک قونلرینه دائر قرق کلیسا سنجانی بدایت محکمه‌سی جزا دائره‌سندن ویریلان ۱۳۲ نومرولی اعلام

سالمی قتل ایدلکری ادعا قلمسندن دولای جانیله اتهام اولتان حسن اوغلی حسن وحسین بن علینک اون بشر سنه مدته کورک قونلرینه دائر قرق کلیسا سنجانی بدایت محکمه‌سی جزا دائره‌سندن ایکنجی دفعه اوله‌رق ویریلان ۱۷۰ نومرولی اعلام محکمه تمیز جزا دائره‌سندجه تصدیق قلمشدر .

در سعادت جنایت محکمه‌سندن تنظیم واعطا قلان اعلامدر :

اوچیز بکرمی بر سنه‌سی تشرین‌تانیسنک اون دردنجی بازار اترتسی کونی مقری کوبنده ساقز اغاجنده فوطاکی زوجیسی التالیا قادینک خانه‌سند مغردیجی جرح و قتل ایتدیکی ادعاسله مظنون علیه اولان یدی‌قه خسته‌خانه‌سند تیار جیلق ایدن بکرمی التی یاشنده چتاللمی ملتیدی ولد لفرک جانیله اتهامه دائر هیئت اتهامیه‌دن تنظیم قلان مضبطه ايله استیناف مدعی عمومیکلک ۷ مارت سنه ۳۲۲ تاریخ و ۹۲۶ نومرولی اتهامیه‌سی اوراق منقرعه‌سیله معاً محکمه جانیته تودیع قلمغله بالمطالعه قضیلاتی اولابده طوتیلان ضبطامه‌دن مستبان اوله‌جنی اوزره اصول محاکمت جزائی قانوننک باب‌تانیسنک فصل رابعنده محرر اولان معاملات ابتدائی بعد الایضا ۳۲۲ سنه‌سی نیسانک التنجی پنجشنبه کونی متهم مرقوم توقیفخانه‌دن کتوردیلرک و مدافعه وکیل یاقوفیا افندیکن عدم ورودینه مبنی مرقومک قبول و موافقتیه وکیل تعیین قلان و اوراق دعوائی مطالعه

ایله مدافعه‌یه مهیا ایدوکی سولیان محکمه نزدیکه مستخدم دعوی وکیلرندن نجاتی افندی واستیناف مدعی عمومیکلی معاوئلرندن عزت‌لو بهجت‌بک حاضر اولدقلى حالدده محاکمه علیه‌یه مباشرت و متهم ايله وکیل مومی ايله اخطارات قانونیه ایفا قلندقدن صکره هیئت‌اتهامیه مضبطه‌سی ايله اتهامنامه ضبط کاتبی فرید بک طرفندن قرائت اولندی .

مضبطه‌ده مظنون علیه ملتیدینک بالنازعه مغردیجی جرح و قتل ایش اولنسندن طولانی مستنطق قرارنامه‌سند محرر دلائل اتهامه کافی کورلش و حرکتی قانون جزانک یوز یتش دردنجی مادمسی حکمنی مستلزم افعال جانیله‌دن بولنش اولدینقندن جانیله اتهامه قرار ویرلیدی محرر و اتهامنامه‌ده دخی مرقومک اولوجهله متهم بولدینق مسطر در .

اتهامنامه‌نک مندرجاتی متهمه تفهیم و توضیح و معاون مومی ايله جانیله‌دن دخی دعوانک تشریح قلمسنی معقب مرقوم سولتدرلرکده اوچ سنه‌دنبرو طانقده اولدینق مقری کوبنده ساکن علقو وزوجه و همشیره ووالده‌سنگ اقامت ایتدیکی خانه‌یه آره‌صره کیدر کلور اولدینق کی کچن تشرین‌تانیسنک اون ایکنجی جمع‌ایرتسی کونی مزبورله خسته‌خانه‌یه کلوب کندولرلی معاینه ایتدیرلرک آلدقلى رجته‌لرک حاوی اولدینق علاج‌لر حاضر اولدینقندن صکره سن کتیر دیرک تلبیه ایدوب کیتدیکنده قبونی علاج‌لری آوب ینه مذکور خانه‌یه کیتدیکنده قبونی آجان خدمتی خیوینی‌یه علاج‌لری بالاعطاً بالظو و شایقه‌سی قونک یانه‌آصره‌رق زردبان باشنده لاستیک‌لری چقارمق اوزره ایکن صکره‌دن اسمنک مغردیجی اولدینق اوکرندیکی شخص التده بچاق بولندینق حالدده مطبخ قوسندن خروج و اوزرینه هجوم ایتکده مرقومه صارلوب ویره باصدره‌رق الدن بچاغی الوب برافش ایسه‌ده مرقوم تکرار قیام ایتسی والتی بله کوتورمسی اجلدن روولور تشهر ایدیور ظنیه مرقومی تکرار دوشیردیکی فقط مرقومه بچاقله اورمیدینق سرد ایتدی .

دائر استتقاقده روولور چکیور ظنیه محافظه نفس ضمنده مرقومک اوزرینه هجوم ایدرک صول اوموزی اوزرینه برچاق اوردقدن صکره بچاغی اورایه برافه‌رق قاچدینق سولش ایدوکی اخطار اولدقده او یوله افاده‌ده بولندینق درخاطر ایدمدیکی ولدی السؤل مرقوم مغردیجی مقدمجه کورمدیکی جهته طانجیز ونه‌جی اولدینق بیلز ایسه‌ده او خانه‌ده کی قادینک دوستی اولدینق و درت بش سنه‌دنبرو مزبورله خانه‌سه کیدوب کلکده اولدینق ایشدیکی سولیکله

قسقناجلیق سائقسی ایلهمی قتلک واقع اولدینق صورلدقده اختیار سکوت ایتدی .

بونک اوزرینه موجود ژورنالر اوقوتدرلیدی ۱۴ تشرین‌تانی سنه ۱۳۲۱ تاریخلی اولان ژورنال مآلنده مقری کوبنده ساکن مغردیجی نوریان نام شخصک بلدی اجزاخانه‌سند مجروحاً یاتمقده اولدینق استخبار ایدیلرک شاب واستجواب اولدقده یدی‌قه خسته‌خانه‌سند تیارجی ملتیدی نام شخصک اوردینق سولیکله تحقیقاتیه ابتدار اولدقده مجروح مرقومک علقو و فوطا کلنک خانه‌سندن التده بچاق اولدینق حالدده چیقوب قوشمقده ایکن التده کی بچاغی یره آوب دوشدیکی و خانه دروننده برکولتی ایشیدلش ایسه‌ده کیمک طرفندن جرح ایدلیدینک کوریه‌مدیکی ومذکور خانه‌دن اوزون بولی بر شخص چیقوب فرار ایتدیکی خصوصاتنک مقری کوبنده ساکن طلعت‌بک و مکتب طلبه‌سندن حمدی افندی ايله مانول نام شخصک افاده‌لرندن اکلاشیلدینق اشعار و قضای مذکور پولیس سرقومیسر کلنک ۱۹ تشرین‌تانی سنه ۱۳۲۱ تاریخلی ژورنالنده دخی جارح ملتیدادی وقعه کونی در دست ایدیلرک استجواب اولدقده اقرار جرم ایتدیکی ۱۷ تشرین‌تانی سنه ۱۳۲۱ تاریخنده مجروح مغردیجی وفات ایلکله اجرا قلان فتح میت عملیاتندن جرحه‌سی نتیجه‌سی اوله‌رق وفات ایدلیکی انبار قلمشدر .

قرائن اولتان اوراق مندرجاتیه نهدیه‌جکی متهمدن صورلدقده دیه‌جکی اولدینق سولیدی .

مدعی عمومیکلک شهود و صوله‌سند اسمی محرر اولوب ورود ایتدیکی خبر ویریلان مقری کوبنده ساقز اغاجنده ساکنه متوفی لیغور زوجیسی الی درت یاشنده قوزغنجلی هر یقلیا بت آندون حضور محکمه‌یه چقاریله‌رق متهمه و مقوله قرابت و عداوتی اولدینق اکلاشیلقدن و تحلیلی اجرا قلندقدن صکره استماع اولدقده کندوسی وقیزی اقبیلی اوطنه‌ده اوطور مقده و حفیدی آندونده خسته بولندینق مناسبتله یاتمقده ایکن مقتول مغردیجی بالورود کندوسنه دخی بولتان اتوز طقوز لیرانک تأدییه‌سی ایچون مناسب بروعه تعیین ایدلسی خصوصی حقنده کوریشورلر ایکن خدمتجیلری خریسی ایکیشیه علاج‌ایله کلرک ملتیدینک کتوردیکی سولیکله و کندوسیده یوقاری کلسون دیمکه و متهم ملتیدادی یوقاری کلوب مغردیجی کورنجه کفر ایدرک نه ارایورسک بوراده بنده سنی ارایورم دیمسی عقینده یکدیگریه بالهجوم زردباندن اشاغی ایندلکری ائشاده قزی ایتیلنک بایلدینق و کندوسیده هان قویه قوشه‌رق یتیشک دیو واقع اولان فریادینه و بر شخصک کلدیکی و کندوسی

کیدوب قزنی آیتلنعه اوغراشدینقی و عند السؤل مقتول ايله متهمک یکدیگریه صارلدقلى کورمش ایسه‌ده هر ایکینسک التده بچاق کورمدیکی و یکدیگریه اوردقلى فرق ایدمدیکی و مقتولک بونی وجه‌سی متهم قدر و متهمک خسته‌خانه تیارجیسی اولدینق جهته آره‌صره خانه‌لرینه کلور کیدر اولدینق و بشقه‌معلوماتی بولندینق و شهادتی متهم ملتیدادی یه عائد ایدوکی استتقاقی وجهله بیان ایتدی .

دائر امانتندن کتوردلش اولان بچاق ارانه اولدقده متهم کندوسنگ اولدینق و شاهده هر یقلیاده بچاغی کورمدیکی جهته طانیدینق سولیدیلر .

شاهده هر یقلیایه ضابطه‌ده مغردیجی خانه‌لرینه کلدیکی و منازعه اولدینق سولش ایدوکی اخطار ايله بوجهتی انکار ایتسنک اسبابی استفسار اولدقده ضابطه‌ده او یوله افاده‌ده بولندینق درخاطر ایدمدیکی ایتان ایتدی .

متهم ملتیدادی مغردیجی الدن آلدینق بچاق ایکی یوزلی طار برچاق ایدوکی و بوبچاغی طانیدینق و شهادت واقعه‌یه دیه‌جکی اولدینق افاده ایدلی (مابعدی کله جک نسخه‌یه)

رستم افندیکن مجوهراتی اخذ و سرقت ایدن زکریانک برسنه حبسنه و کندوسندن اون ایکی لیرانک تحصینه

بدوسک اموالنه ایراث خسار ایدن محمد علیدن اون بش بشلک جزای نقدی اخذیلر برابر یوز غروش ضرر بدلکده بشقه‌جه تحصینه محمد علی غی ضرب ایدن احمددن بر آلتون آتوب مضروب ویرلننه

واسیلی جرح ایدن راشدک بر هفته حبسنه ادم اغانک اوزرینه اجسام صلب آتدینق ثابت اولان ثرانک اوچ کون حبسیله برابر مرقومدن التی بشلک جزای نقدی اخذینه

علی جرح ایدن یورکنک اوچ ماه حبسنه و اوچیز غروش مصارف جراحیه‌نک تحصینه شهر وقصه دروننده سلاح آتدینق اکلاشیلان کال بکک اوچ کون حبسنه و کندوسندن بش بشلک جزای نقدی اخذینه

پولیس عباس افندی جرح ایدن علقونک ایکی بقی ماه حبسنه و کندوسندن درتیز غروش مصارف جراحیه‌نک تحصینه

کامله ناموسه طوقور سوز سولیدیکی تین ایدن غلطه‌ده فرونجی اسماعیل اغانک اوغلی محمددن بر آلتون جزای نقدی اخذینه

اوستريالى راخى نام قاديى ضرب و جرح ايدن
پروقويك اون بش كون حبسنه و كندوسندن بر آلتون
الهرق مزبوره يه ويرلسنه

ديپلومه سز اجراى طبابت ايدر ك نوري نام
شخصك وفاته سبب و يردى اكلاشيلان احمدك
سكز ماه مدتله حبسنه

بايزارى ضرب ايدن اغيادن ايكي آلتون الهرق
مزبوره يه اعطاسنه

محرم و معمور و طودورى و قسطنيك يكدىكرى
ضرب ايتدلى اكلاشمغله هر برينك بر هفته
مدتله حبسلىنه

خلاف ممنوعيت اولهرق اوزرنده سلاح ظهور
ايدن ابراهيمدن بش بشلك جزاى نقدى اخذينه
محرمى جرح ايدن ابراهيمك اون بش كون
حبسنه

جعفر ك ياني و علقونك دخى مرقوم جعفرى
جرح ايتدى تين ايتكه مرقوماندن جعفر ك اون
بش كون و علقونك ايكي ماه مدتله حبسلىنه
احمدى ضرب ايدن عثمانك اون بش كون حبسنه
در سعادت ، بك اوغلى واسكدار بدایت محاکمى جزا
دائرة لرنجه قرار ویرلشدر .

مُحَامَلَاتُ دِيَّانِيَّة

پياس قضاسى بدایت محكمه سى مدعى عمومى
معاونلى وظيفه سنى ايفا ايدن پوليس على عابد و بلوك
امينى حسن افنديلك بعض اوراق حكميه يى مرور
زمانه اوغراتمق صورتيله وظيفه قانونيه لرينى سوء
استعمال ايلدلى اظه ولايتى استيناف محكمه سى
مدعى عمومى ليكندن وارد اولان اوراق تحقيقه
مندرجاتندن اكلاشلمسنة مبنى مومى اليهمانك محاكمه
آلتنه آلملرينه عدليه نظارت جايله سندن مأذونيت
ويريلهرك مذکور مدعى عمومى ليكه تبليغات مقتضيه
ايفا قلنشدر .

اِعلانات

بك اوغلى بدایت محكمه سى اجراء دهنده :

تره زازيچيان قاديك امينه نازكتر و كريمه سى
عنایت خانملره بك اوغلى بدایت محكمه سى ايكنجى
حقوق دائره سنك ۲۶ مارت سنه ۳۳۱ تاريخلى
اعلامى ايله محكوم به بتيه دينى اولان مبالغ معلومه نك
تأمين استيفاسى ايچون عهده تصرفنده اولوب حيز

و فروختى قرار آلتنه آلتان كو كصوده كائن مكر
يدى نومرولى مقاطعه لو وقف اولوب سكز بيك
التيوز بش ذراعى حاوى بولنان معلوم الحدود
اراضينك اوزرينه بنا انشاسى مجاز اوليوب باغ و باغچه
حائده استعمالى صورت و شرطيله مقدما اجرا قلنان
مزايده ده طالب اولان ديكرداينلرك نكول و كفيد
ايتش اولملريله منفسح اولهرق اموال غير منقوله نك
فروختى حقه نك نظامنامه احكامنه توفيقاً يكيدين
مزايده سنى قرار آلتنه آلتش اولديغندن ذكر اولنان
اراضينك او قيد و شرطيله تاريخ اعلاندن اعتباراً اون
بش كون صكره مزايده سنه ابتدار اولنه جغندن
طالب اولانلرك بك اوغلى بدایت محكمه سى اجرا
دائرة سنه مراجعت ايللى اعلان اولنور .

محكمه صغير قضاسى بدایت محكمه سى مرقوم قسمنده :

مقرى قريه سنده ساكن تجاردن ديمتر كى لامبرىدى
افنديك اديب بك زاده عارف بك علينه چكمنجه
صغير قضاسى بدایت محكمه سى حقوق قسمندن استحصال
ايلدى ۲۳ كانون اول سنه ۳۲۲ تاريخ والى ايكي
نومرولى اعلام غيايى موجبجه تحصيلي حكم آلتنه
آلتان مع مصارف محاكمه سكز يوز غروشى طقسان
بركون ظرفنده قضاء مذکور اجرا دائره سنه تسليم
ايلسى و قانوناً شايان قبول برديه چكى وار ايسه مدت
مذكوره ظرفنده تحريراً و باشفاهاً بيان ايلسى و خلافى
تقديرده حكم اعلام اجرا و معامله قانونيه ايفا اولنه .
جغندن اصول محاكمه حقوقه قانونك يكرمى التجي
واجرا قانونك يكرمى طقوزنجى ماده لرينه توفيقاً
محل اقامتى مجهول اولان مديون مومى اليه عارف بكه
تبليغ ايدلمش عد اولنمق اوزره اشبو اخبار نامه نك
بر صورتى قضاء مذکور اجرا دائره سى ديوانخانه سنه
تعليق اولنديكى كجى غزته لره دخى اعلاننه مبادرت
اولندى .

مدلولو سنجايى بدایت محكمه سى اجراء دهنده :

مستغالى يوركى دوقا كى ايسومادلك مستغالى
مليادى ميخالا كى حقه نك مدلولو بدایت محكمه سى
حقوق دائره سندن ويريلوب ۲۱ حيزران سنه ۳۲۲
تاريخ و درتيوز سكسان بش نومرولى جريدة محاكم
عدليه ايله اعلاناً تبليغ قلنان ۱۶ شباط سنه ۳۲۱
تاريخ و قرق سكز نومرولى اعلام غيايى موجبجه
تاريخ اعلاندن اعتباراً طقسان بركون ظرفنده مديون
مرقوم مليادى ميخالا كينك اجرا دائره سنه مراجعتله
تسويه دين ايلسى و قانوناً قبوله شايان برديه چكى اولديكى
تقديرده مدت مذكوره ظرفنده تحريراً بيان ايتسى

و خلافى حالده حكم اعلامك اجرا و معامله قانونيه نك
ايفاسى خصوصنه دائر تنظيم اولنان اشبو اخبارنامه
مديون مرقومك الآن محل اقامتى مجهول اولمق
ملايه سيله اصول محاكمه حقوقه نك يكرمى التجي
واجرا قانوننامه هايونك يكرمى طقوزنجى ماده لرينه
توفيقاً كندوسنه تبليغ ايدلمش عد اولنمق اوزره
مدلولو سنجايى بدایت محكمه سى اجرا دائره سى
ديوانخانه سنه تعليق اولنديكى كجى غزته لره دخى
اعلاننه مبادرت قلندى .

مستغالى استراتى قايجيقه نك مستغالى يوركى
پايقسطنطى ذمتده با اعلام محكوم به اله جنى بولنان
مبالغدن طولايى اوچ قطعه زيتونلى كجى آلتنه الهرق
اجرا قلنان مزايده سنده قلو فوسفامو قعنده كى زيتونلى
سكز يوز و آپوطامى موقعنده كى زيتونلى سكز يوز
وايسقونتولاقا موقعنده كى زيتونلى بشيك اللى
غروشه طالبى عهده سنده تقرر ايدر ك موقت
قرار داده سى كشيده قلنمش اولغله تاريخ اعلاندن
اعتباراً اوتوز بركون ظرفنده احاله قطعيه سى اجرا
قلنه جغندن يوزده بش ضم ايله طالب اولانلرك مدلولو
سنجايى بدایت محكمه سى اجرا دائره سنه مراجعت
ايللى اعلان اولنور .

مستغنا قريه سنده مقيم استراتى قايجيقه نك
مستغالى بانچوان مليادى ميخالا كى حقه نك مدلولو
بدایت محكمه سى حقوق دائره سندن ويريلوب جريدة
محاكم عدليه نك ۲ اغستوس سنه ۳۲۲ تاريخ و درتيوز
طقسان يدى نومرولى نسخيه سيله اعلاناً تبليغ قلنان ۴ تموز
سنه ۳۲۲ تاريخ و اوچ نومرولى اعلام غيايى موجبجه
تاريخ اعلاندن اعتباراً طقسان بركون ظرفنده مديون
مرقوم مليادى ميخالا كى اجرا دائره سنه مراجعتله
تسويه دين ايلسى و قانوناً قبوله شايان برديه چكى
اولديكى تقديرده مدت مذكوره ظرفنده تحريراً بيان
ايتسى و خلافى حالده حكم اعلامك اجرا و معامله
قانونيه نك ايفاسى خصوصنه دائر تنظيم اولنان اشبو
اخبارنامه مديون مرقومك الآن محل اقامتى مجهول
اولمق ملايه سيله اصول محاكمه حقوقه نك يكرمى
التجي واجرا قانوننامه هايونك يكرمى طقوزنجى
ماده لرينه توفيقاً كندوسنه تبليغ ايدلمش عد اولنمق
اوزره مدلولو سنجايى بدایت محكمه سى اجرا دائره سى
ديوانخانه سنه تعليق اولنديكى كجى غزته لره دخى
اعلاننه مبادرت قلندى .